

## Capsidae quinque novae in Tombillo (Chile) lectae.

Scripsit

O. M. Reuter.

### Div. Bryocoraria m.

#### *Pachyneurhymenus* nov. gen.

Corpus subelongatum, hemielytris lateribus parallelis; capite verticali, a supero viso basi pronoti circiter  $\frac{1}{3}$  angustiore, pronoto duplo brevior et longitudine sua duplo latiore, vertice transversim obsolete depresso; capite ab antico viso latitudine cum oculis fere longiore, infra oculos longe acuminato-producto; a latere altitudine dimidio brevior, fronte tumido-convexa, clypeo a fronte impressione profunda discreto, ultra frontem ne minime quidem prominente, verticali, levissime arcuato, ipsa basi in medio capitis a latere visi posita, angulo faciali recto, bucculis elevatis, gula peristomio longitudine subaequali, obliqua, genis oculis paullo altioribus; oculis exsertis, a supero visis orbicularibus, a latere visis oblongis; rostro coxas posticas attingente, articulo primo caput haud superante; antennis ad medium orbitae interioris oculorum insertis, articulo primo elongato, apicem clypei attingente et spatio verticis interoculari longiore, secundo sublineari, primo minus quam duplo longiore, tertio sat longo, gracili; pronoto latitudini basali fere aequo longo, lateribus in tertia apicali parte subparallelis, dein subito basin versus fortiter divergentibus, subrectis, ante angulos basales late rotundatis, truncatis, his rectis, margine basali ante scutellum sinuato, apice duplo latiore, disco postico fortiter convexo, versus callos fortiter declivi, utrinque prope angulos posticos impressione longitudinali instructo, callis tertiam apicalem partem vix superantibus, sat elevatis, nitidis, in latera usque extensis, obliquis, interne fortiter convergentibus et antice aream apicalem horizontalem terminantibus, strictura apicali haud discreta; scutello brevi, tumido; hemielytris parallelis, commissura clavi scutello circiter dimidio longiore, embolio lineari, incrassato-reflexo, cuneo horizontali, elongato-triangulari; membrana uniareolata, angulo areolae interiore apicali subrecto, venis validis; metastethio orificiis destituito; coxis anticis brevibus; pedibus sat longis, femoribus posticis anguste elongatis, margine superiore latissime sinuatis, tibiis muticis, tarsis breviusculis, posticis tibia fere quadruplo brevioribus, articulo tertio secundo aequo longo, apicem versus incrassato, unguiculis late distantibus, aroliis iis appropinquatis.

*Pachyneurhymenus pallidolimbatus* n. sp. Niger, sat nitidus, hemielytris cum membrana tota caryophylleo-fuscis, embolio cuneoque, angulo hujus interiore suturaeque membranae exceptis, albidis; antennis piceo-nigris, extrema basi articuli primi albido-flavente, articulo primo latitudini verticis oculique unici longitudine subaequali, secundo primo fere duplo longiore, tertio secundo parum magis quam  $\frac{1}{4}$  brevior; rostro, marginibus acetabulorum posticorum pedibusque albidis, femoribus apice, tibiis

apice extremo articuloque ultimo tarsorum caryophylleis; vertice oculo paullulum magis quam duplo latiore, striga antica inter oculos transversali laevigata; pronoto creberrime sat subtiliter impresso-punctato; scutello sublaevi, utrinque ad basin leviter impresso; hemielytris nitidulis, laevibus, tenuissime et brevissime pallido-pubescentibus. Long. 3, lat.  $\frac{3}{4}$  mm.

Tombillo, D. Otto (Mus. Vindob.).

*Cyrtocapsus rostratus* n. sp. Nigricans, opacus, pubescentia alba in maculas collocata; marginibus frontis utrinque, limbo basali pronoti maculaque triangularem apicali corii fulvis, hoc apicem versus pallide flavente, cuneo margine exteriori anguste fulvo; membrana albicante, venis nigro-fuscis, area apice sat late infuscata; rostro, antennis pedibusque albidis; capite infra oculos longe rostrato producto, ab antico viso parte anteoculari parte oculifera fere  $\frac{2}{3}$  longiore, fronte marginibus vittaque media dense albo-pubescentibus; articulo secundo antennarum primo fere aequo longo, pronoto disco subtiliter punctato; scutello hemielytrisque laevibus. Long.  $2\frac{1}{2}$ , lat. hemielytrorum  $1\frac{1}{2}$  mm.

Tombillo, D. Otto.

A *C. caligineo* Stål capite infra oculos longius rostrato, rostro albedo, pronoto sulco inter callos retrorsum prolongato discoque ejus subtilius punctato mox distinguendus. Caput basi pronoti fere dimidio angustius, ab antico visum latitudine cum oculis paullo longius; vertice oculo circiter dimidio latiore. Rostrum articulo primo capite fere duplo brevius. Antennae articulo primo capite ab antico viso circiter  $\frac{2}{3}$  brevius, secundo primo longitudine subaequali. Pronotum latitudini basali aequo longum, lateribus late sinuatis, callis subquadratis, sulco medio longitudinali inter callos retrorsum in discum longius producto, disco subtiliter punctato. Scutellum pronoto duplo brevius, sulculo basali longitudinali et utrinque impressione brevi obliqua leviter impressis.

### Div. Capsaria m.

*Proboscidocoris flavicornis* n. sp. Niger, nitidus, superne tomento aureo, inferne tomento argenteo vestitus; margine postico verticis maculaque utrinque ad oculum, margine basali pronoti tenuiter, margine apicali embolii, guttula ad incisuram basalem cunei apiceque cunei flavo-ferrugineis, membrana obscure fumata, stria juxta suturam membranae inter apicem cunei et basin areolae minoris venisque omnibus albidis; rostro apicem coxarum posticarum paullulum superante, ochraceo, apice nigro-piceo; antennis ( $\sigma^7$ ) apicem cunei attingentibus, articulis duobus primis totis flavo-ochraceis, secundo margine basali pronoti paullulum longiore, tertio secundo circiter  $\frac{5}{8}$  et quarto circiter  $\frac{1}{3}$  brevius, duobus ultimis nigricantibus; coxis et femoribus nigris, femoribus apice, tibiis tarsisque ochraceis, tibiis spinulis fusco-testaceis; capite ( $\sigma^7$ ) ab antico viso latitudine cum oculis paullulum brevius; pronoto transverso, disco obsolete sat crebre subtiliter subrugoso-punctato vel fere laevigato; scutello toto nigro, area orificiorum metastethii nigra vel nigro-fusca.  $\sigma^7$ . Long.  $3\frac{2}{5}$ , lat.  $1\frac{1}{4}$  mm.

Tombillo, D. Otto.

Species statura parvula, antennis longis, articulis duobus primis totis ochraceis, scutello toto nigro etc. distincta; a *Pr. longicorni* Reut. pronoto fortius transverso coloreque antennarum et scutelli, a *Pr. nigricorne* Reut. antennis aliter coloratis, longioribus, femoribus apice late ochraceis, tibiis basi concoloribus etc., a *Pr. debili* Reut. colore structuraque antennarum, scutello toto nigro, disco minus convexo, pronoto sublaevi-

gato, non nisi subtiliter et obsolete rugoso-punctato, area orificiorum metastethii nigra vel nigro-fusca, femoribus apice excepto totis nigris divergens. Caput ( $\sigma$ ) basi pronoti circiter  $\frac{3}{7}$ , angustius, ab antico visum latitudine interoculari frontis oculique unici parum longius, vertice oculo circiter  $\frac{1}{3}$  latiore. Pronotum latitudine basali fere  $\frac{3}{8}$  brevius, disco apicem versus sat convexo-declivi. Hemielytra tomento in maculas subcollocato, incisura exteriori fracturae cunei valde profunda, acutangulariter excisa, margine exteriori cunei basi fortiter arcuato.

*Horcias rufinervis* n. sp. Pallide flavus, totus glaber et laevis, capite, pronoto apice, strictura apicali excepta, fasciaque mox ante marginem basalem, scutello vitta percurrente discoidali triangulari, clavo commissura, cuneo apice margineque interiore rufescente-piceis, corio vena brachiali utrinque fuliginoso-marginata; membrana hyalina, venis sanguineis, areolis limbisque exteriori et apicali fumatis, macula inter apicem cunei et areolam minorem aliaque majorè fere media hyalinis, epipleuris pronoti vittaque utrinque laterali ventris nigro-fuscis; antennis pallide flaventibus, articulo secundo ( $\sigma$ ) margine basali pronoti circiter  $\frac{1}{4}$  longiore, versus apicem parum incrassato, tertia apicali parte nigra. Pedes desunt.  $\sigma$ . Long. 5, lat.  $1\frac{3}{4}$  mm.

Tombillo, D. Otto, 1 sp.

#### Div. Plagionatharia m.

*Plagiognathus occipitalis* n. sp. Superne nigricans, vertice postice sat late maculaque utrinque basali scutelli pallide ochraceis; hemielytris sordide pallide lividis, pellucetibus, ubique pilis fuscis retrorsum adpressis pubescentibus, his pilis in certa lumine pallidis, e punctis fuscis nascentibus, clavo corioque interdum leviter fusciscentibus, limbo hujus cuneoque pallidis, membrana sat dilute fumata, venis lividis, areola minore maculaque inter eam et cuneum hyalinis; inferne nigro-fuscus, xypho prosterni, ventre basi medio, rostro pedibusque cum coxis, basi harum excepta, lividis vel albidis, femoribus anterioribus apice punctis nonnullis nigris, posticis dimidio apicali nigricantibus, punctis marginis inferioris 2—3 majoribus nigris; tibiis spinulis sat longis nigris e punctis sat magnis nigris nascentibus, anterioribus apicem versus late inpunctatis, ipsa basi tiliarum omnium nigra, apice tiliarum tarsisque nigro-fuscis, articulo secundo pallidiore.  $\varphi$ . Long.  $2\frac{1}{2}$ , lat.  $1\frac{1}{4}$  mm.

Tombillo, D. Otto.

Caput basi pronoti  $\frac{2}{5}$ — $\frac{3}{7}$  angustius, ab antico visum latitudini interoculari aequae longum, vertice ( $\varphi$ ) oculo saltem duplo latiore. Oculi laeves. Rostrum coxas intermedias attingens. Antennae nigrae, articulo secundo latitudini capitis aequae longo, tertio secundo circiter  $\frac{1}{4}$  brevior, quarto tertio paullo brevior. Pronotum latitudine basali saltem dimidio brevius, limbo basali interdum pallescente. Femora postica sat incrassata. Tibiae spinulis crassitie tiliarum longioribus. Tarsi postici articulo tertio secundo paullulum brevior.